

月82·**え** 845



登录号 人教 6月11 函 16册

衛巨製鱼有不好盡改 那色志念競仿其例自然 人志序 够之為多附各門

書者甄録而事编一其非常產 學故与夫有志所録監被見於他 而官将有作上弦入為致日常州 質然情常州府志先生首新凡例 政利悉藝女名怪籍止載總目 別采那產滿家別集中清河

那就城書院當事沒庭先生 好先生以随德遇儒来主游告 重可脫巴乾隆季年錢塘空抱 葬成者久且般快陰沒而無傳 家置一编使不有快擇精考着 從失诸家別無汗 半光練不好

印時始起屋為十老自鬼八至寒十五 先生原序不言夷数疑症民集 分深端子事品存之耳原館殿打 多本也或人光生未及當它是向 七有他山北元五七他皆缺三面北 罗者律持序次教光间有複出

為說未成報打費盤先生上於 教法以聚称极印约之情失品十 民威豐已未新県先生題其久而 劉文志自為序四升 諸首郡 志 好首目雖如情滿言字以為識别 **赐道出去局处停此稿法将在**

未成中更兵發端家衛作幸 松今 幾之百年其前為緣而 皆然者 巨之粉者仍之禁飲成 失不多觀未够送為改隆其頭 為秀精像十二三是書獨将 属余為序金雅那悉之情越

老以聚你本多端誤粉結後缺 松為事今遇有待先出是影響 歌,不倦當的情悄悄府志屋言 低了缺村飞祥 重為整了到十二 己能後有先生致禮鄉邦久兴 題光聚於本兵後与懂得一二品

党衛十万以手春三月陽湖 悉以猶此後異日成者合先 **世是偏蔚為經親置後了有** 奶打盧武巴引 後學是鼎翰證序 金置以學家於处观書

於一門沒有完好且将要踏造 一位 之幸矣新經吃步既有以補 禁亦 此海内不将 潤班毛書 松兵後沒有後南先生機 得称名的先生了切與矣意矣 丝微新 縣 先 安 返 以 係 傳





莊序

集成是書庶使八邑交獻有徵不獨前賢著作可傳不朽卽抱經 志失修百有餘年此稿余珍藏已久深恐遺佚因竭盡綿力措資 經學士主講龍城纂定吾常八邑藝文志十卷可謂精且備矣府 朱范成大吳郡志之例而文獻不足識者惜之乾隆問武林盧抱 郡邑志書載前人表論序記誠以有關地方之掌故凡生民利害 其。藝文一 政教得失時俗盛衰山川形勝皆可參考而知也新修武陽合志 門止載著作總目所有序記等篇各從門類附注蓋 用

學士纂述深意用以昭示來兹而余亦藉釋重貧至詩歌詞賦陳

風之所最先雖卷帙稍多不嫌繁冗惟學士纂定此書今已六十

さんだでいて、甘る

餘年其間土君子之篇章豈無卓卓可傳者余無從採擇嗣能搜

輯成編續行補入深有望於後之君子矣

咸豐九年嵗次已未看三月旣望新渠遯叟莊翊昆書於人樹同

春書舍時年七十有七

原序

文之至者在乎明義理達治道植綱常而維風化故立言與德功 同爲三不朽之一雖有高下淺深然未有離是而可以言文者大

然著作旣有經籍一門志其目矣而其長篇短章之散見者復薈 江以南人文淵藪毘陵山川明秀握珠懷玉之士比|肩接踵其褎

萃爲是編與夫四方士君子之來仕宦遊處而有作者亦並入焉

他若登臨遊宴送別懷人之作含宮嚼徵戛玉敲金亦可以敦氣

誼 而抒性情不可廢也故亦並依前例擇而載之

乾隆五 十七年歲次王子九秋朔日東里盧文殆書於龍城書院

ことがでしていること

京	陽 湖 莊 善 孫 性 初	陽湖陸鼎翰彥和	分校	陽湖莊毓鋐俊甫	重刋總校	武進莊翊昆新渠	校補	錢塘盧文昭紹弓	原編	常郡八邑藝文志校刊姓氏						作者ノ <u>し</u>

こい

宋甯宗賜邱文定茶藥詔	宋哲宗敕封昭德侯詔	蔣堂姪之器可試祕書省校書郎	蔣堂可禮部侍郎致仕制	丁宗臣可太常博士丁寶臣太常丞制	晉武帝除三吳租布詔	卷	見り虚うが多方	見量で名奏官	常郡八邑藝交志目錄
然 記		省校書郎制	胡胡宿	寶 臣太常丞制 宋胡 宿		渝祭女 表疏議論說頌書啟	陽湖莊毓鋐俊甫氏重梭	武進莊翊昆新渠氏校補	

		祥符吳佑孫殿英	武進劉毓森少英	進莊鳳啟芝	武進惲思贊竹坡	覆校	陽湖段紹襄省予	武進魏士鳳伯起	「常君」/ [基] 「大一、·
韓交煥齋鐫									

					-																
守り音楽を言いる。一日大	到常州謝表二首	乞常州居住表	乞解罷樞密院表	論太湖登在祀典疏	詩贖善權寺奏	甘露表董志補	上到任謝表輩志補	貨幣州龍見表	高宗純皇帝渝祭禮部尚書楊名時文	世宗憲皇帝論祭戸部尚書趙申喬文	聖祖仁皇帝渝祭戸部尚書趙申喬文	國朝	洪武中免六州四縣秋糧詔	明太祖諭祭江陰侯吳良交	明太祖諭清海侯吳頑子忠各襲父爵詔	明太祖勞江陰侯吳良手詔	宋理宗賜大司農邱壽邁夏藥詔	宋甯宗賜大司農邱壽邁誥	宋甯宗賜開國公萬郊食邑食俸敕	宋育宗賜邱文定進端明學士侍讀詔	
	蘇軾	蘇軾	胡宿	朱胡宿	李蠙	獨孤及	獨孤及	唐許敬宗							口山						

	信君ノ自奏ランコル。えート金	
	請下御史臺體訪小人造作誇議奏	丁隲
S.	知潤州奏	楊傑
	知常州謝到任表	楊萬里
	謝復官表	李綱
	復官袁州監酒稅謝上表	鄒浩
	謝皇太后表	鄒浩
	謝復官許居常州表	鄒浩
	詩汰浮糧疏	國朝莊應會
	唐故常州刺史獨孤及諡議	唐權德輿
	毘陵水利議	國朝邵長蘅
	孔子不貶季札論	元吳萊
	川 江 詹	國朝楊椿
	泉齋說	明李東陽
	赈濟說董志補	唐鹤徵
	延州來季子觀周樂碩	元吳萊
	常郡交獻考說董志補	國朝章大士
	與吳青門書董志補	明繆昌期
	與歐陽公論本邑先賢祀書	繆昌期
	上陸明府書	國朝陶字尹
	與孫明府書	朱鳳台
	学のと言語では、学一日来	•

は君 八百 三 一 日金 謝韓資政薦講讀科啟 代宜興宰通交代散 知常州上監司啟 知常州上中書啟 宋王安石 王安石 汪

常郡八邑藝文志卷一 武進莊朔昆新渠氏校補

表疏議論說頌書啟 陽湖莊毓鋐俊甫氏重校

東里盧文弨纂定

晉武帝詔除三吳租布

部制語敕

輸祭文

二吳奧壤股肱望郡而水早併臻百姓失業夙夜惟憂不能忘懷

下宗臣可太常博士丁寶臣可太常丞制 朱胡除一年租布其次聽除半年受振貸者卽以賜之歸族志 宜時振恤救其凋困三吳義與晉陵及會稽遭水之縣尤甚者全

敕某等國家試功之典參任以職考課以法質成於期用甄美效

丁宗臣可太常博士丁寶臣可太常丞制

写いて 多元 では 、 とこ

部譜

或剖符而守境並時上計據法得遷入丞樂卿進掌儀蕝悉號朝 閩之美足爲家閥之榮就服寵褎益思勉勵 敏且精是惟天倫並入吾彀所試有迹厥修弗愆或鳴粒以字》

作君ブ自己ラニスト名

蔣堂可禮部侍郎致仕制

胡 宿

官某才粹而文道沖且正體風識而盡遠懷資術而本强進直計 敕非達人無以蹈止足之美惟賢者乃能潔去就之分睠言舊德 教之為樂績宣中外治盛東南引周任之有言遵祁奚之請老朕 樞之嚴比歷藩房之重老於政事故吏道之可師式是風華惟名 適殿中兵接經禮以露誠抗封章而還政且優哲艾用遂晏安具

孰成美名周官亞族之聯春卿宗伯之貳峻是儀等昭我恩章勉 爾晉和以永遐福 万希古忠厚惜時者明愁聞歸志之堅姑從繕性之適閔勞煩事

禮 部侍郎致仕蔣堂姪之器可試祕書省校書郎 制

胡 宿

聞學尚之足佳往試祕邱初有官簿懋勉時術奮取世科以爲慶 敕具官某姪某惟乃仲父實予名臣鑒知止於道家還時事於宰 旅寖延酬賞參澤近支以爾業承清門義均愛子被風訓而逾劭

閥之光龍不亦美歟

詔誥

宋哲宗敕封昭德侯誥

然高節萬世如神堂以人簡爲榮哉今延陵之名世承嘉祀謂非 朕喜於傅記知神爲吳公子當春秋時嘗辭干乘之國而不受凜 片君ノ上語ニュニル 此無以表德厚俗今以侯爵徃諗於廟其龍嘉之

宋甯宗賜邱文定茶藥手詔

毘寬我憂顧有少湯藥往寓至懷再兹筆示想宜深悉開禧一年 念每用嘆嘉今秋氣日高西情難训率勵將士申固疆陲叶心良 皇帝敕曰卿遠將使旨盡獲戎昭乃心國家忠勞備著朕夙管與 全制勝使社稷賴長城之衛而逆賊知中國之有人唯聊是

八月十日下

宋甯宗賜邱文定進端明學士侍讀詔

戰守之方略籌之心而已熟將潛消於外侮宜盡付以中權亟坠 養十年之家食比煩元老臥護暗京表裏之形勝指諸掌以無餘 聽履之班往任宣威之寄聲名目起。匪徒草木皆知號令風行要 謨炳蓍龜之先見淸標峻節凜松柏之後凋馳驅萬里之民庸恬 懷嘉我重臣揚於褒律通奉大夫守刑部尚書充江惟宣撫使河 靜俟萬全之舉慰父老來燕之望刷祖宗未復之仇諒成算之日 使關河翕應士氣不期而自倍人心有恃以爲安堅持一定之規 南那開國侯食邑一千二百戸邱密三朝舊德一代偉人碩畫良 撫江淮之師外藉規恢之助渙絲綸之龍式昭略倚之

常がてき恋愛はる一谷一

部計

乎豈疎樂之獨後晝殿視本兵之秩露門高勸讀之聯以壯戎昭

以隆 踰老臣爾尚審破羗之策益思勉勵克副登庸可特授端明殿 士侍讀依前通奉大夫充江淮宣撫使封如故奉敕如右牒到奉 開禧二年 物望噫韓淮陰之可屬大事朕方圖傳檄之功趙營平謂無 學

朱甯宗賜觀文殿大學士提舉洞霄宮廣陵郡開國公葛祁

明堂加恩加食邑五百戸食實俸三百戸敕

常溫恭朝文執事有恪侍我烈祖爰暨上皇執圭幣見上帝者屢 廟豈無羣公金玉爾音尚想故老具官某思事兩朝蔚為元輔葢 朕新嗣服日有事於合宮兢兢焉懼無以接三才之奧也駿奔在 矣肆予肇禮均秩執事 本目 并住 穆穆於以示懷方周盛時微子以二

王之后事 爲其因舊章增大食邑永篤爲恩葢示不遺之意耳 向以留滯南 來助祭有客頭之孝武始建漢家之封有臣如太史談 周不與從事為恨朕雖不能比德於周邦視漢有光

朱甯宗賜大司農卿將作監丞邱壽邁誥

敕朝散 作贊貳句稽 則 贈 不敢虛其屬者所以儲力也爾壽邁樞臣之子智識 尚書六部門邱壽邁等大匠古官方時儉 約無所與

寫 明爾象先法從之孫性資謹厚人聯華序克著美聲爱俾次遷 如右牒 爾龍 到奉 職清事簡優遊其間盆 行嘉定十七年七月十七 務靖共以須器使可依前件奉

当的しき元定が、公司 部 誥

理

宗賜大司

農

卿邱壽

藥部

H

敕壽邁朕身處深宮心懷外閫鐵衣金柝 **均君ノ巨型ラスル名**一 **夙嘉牧御之勞翠管銀**

器往問 也故兹示論想宜知悉冬寒卿比好否遺書指不及多寶慶年月 起居之節勉循所部推廣吾仁今賜卿銀合臘藥至可領

十九日下

明太祖勞江陰侯吳良手詔

是時朕 萬民二親已逝恨不生前得奉溫清夢寐於心切切親母年邁云 **昔者朕與羣雄爭命卿藩東鄙旣而往戍高深城隍沃野開辟當** 無他養豈不動孝者之心用是敕卿自意若欲奉來就養或棄職 於西鄉保至此朕心有警吁哀哀父母生我劬勞今雖君天下音 月事於荆楚樂無東顧之憂遂滅荆楚之妖雖諸將効力

在侍皆從所由勿拘故兹勅諭

明太祖 輸工陰侯吳良子高靖海侯吳禎 子忠襲父爵

爾 **父兄弟爲朕百戰以取天下功在國家朕勿能忘** 故封爵 之

及於子孫 爾當思前人立功之不易各勵乃志毋驕 毋怠以死

角曼

明太祖祭江陰侯吳良文

昔忠誠之士從君堅許身之志故犯患涉難以尊一人而安天下

蒼生立高名不朽於史冊今古智人覽之無不歡心爾吳良從朕 於擾攘之秋年馳月驅櫛 方封侯衙今叉十四年矣正欲安享富貴何期為營造而出之嬰 風冰雨野宿風餐披堅執銳十有 四 載

常期八邑东安全。夏谷一

部部

亂為 微疾 民 们 作 長 往許音 加品 Mij 乃身得善終爾無憾矣遣人 至京朕 何 言 哉然為將之士 الا 一忠於君 生 醴致奠靈 丽 能 其不 平 **元**問

洪武中免六州四縣秋糧韶

賞 版 陵京口宣 派 供給之餘豈 大位十有一 圖 功罰罪 當時天 今年 一城廣 在昔帝王必 秋 能 年常思六州四縣之民久勞於前雖 下豪傑互 平禍飢 德徽 糧 盡 行 州 益蜀 長與安吉宣 相雄長殊聲異教若欲 斯二事之先曩因 寰宇而為 免 於戲與王定亂筆 一興江 主 者叩 陰相次不逾三年 率 兵東渡江 福天 今 平 之非 我 市局 子孫累 亂 雕 來站 甲 思、思、 平 仗 之盛 瑟 朕 熟 世 金

勞先放兹詔諭想宜知悉

國期

「家綱 加且 皇帝 着挂 庶務首在 諭 祭 芦 六曹咨乃 部 · 尚書 趙 司徒 申 喬 用 文 典邦 賦 、果其廉 隅 眾著敬

建造 自 加口 斯 喬 眷 矢 滅 倚 隆 公 忠賦姿端亮始由 於 生前 灵榮 備於身後凡以 邑宰擢 任臺 念成 郎嗣家食之優 勞 昭 令典也

游忽 | 整書以 往 召 超 授蕃宣之寄旋膺節鉞之司心 烟 稟 於 四

圃

消息

浙

石

终

悉法

於

首

吏

政

肅

湖

南遂登憲府之崇班

復晉

司農

高年 秩 属 始 疾 終若 拜 疏 Los 務清 休 慰 介以立身夙夜 温 希向 賜之良薬蠲應償之國 不 遑殫精勤 所 容 基 復已削 職 LL VI

会門ノ自然をリる量がかっ

台口日

譜

之官階庶幾懷 冷門里中 ノ臣書の一場へ先 抱旣舒尚冀沈 綿 HJ 起遽 闡 徂 逝 深 用 讀 傷 命

員 公 一晚節 N 臨 喪遺禮 小 心 每 官 形於篤棐戎事亦躬為率先爰錫嘉名 而 致奠以 爾樸直之性 無改 या 生 潔白之操 曰菾 日毅 彌

呼 **膨方嚴之素履舊德** 以口 存頒優渥之新恩榮光特實苾芬用

馬靈爽斯歆

世宗憲皇帝渝祭戶部尚書趙申喬

翊 熙朝之泰 運端 重 夏 臣 稿 冊 府之 鴻 於 宜 崇元 加 챮 成勞懋著

文

牲 生 平之風 例 趙 梟如 H 喬矢志忠貞持身剛正 存斯盛 烈 昭 垂奕世之寵褒盆 再膺節鉞名 篤戦申 匪 浙 綸 右 **孝式** 列列 悄

領度支蹟 耆 裕民 經 國 公爾忘 私之龍克佐股肱確乎不拔之操

增輝史冊昔

聖 弗 置 **加且** 於戲 洞鑒其精 流苏竹帛卓然 自 故 委 任 而不 一代之完 疑而 八樹 朕 心 一範嚴原 深 重 其樸 允矣干 誠 每 秋之茂 眷 懷 而

典列豆籩於祠宇渥澤攸隆布筵儿於里間湛恩疊沛靈其不

何 克 就 孫

高宗純皇帝諭祭禮部尚書楊名時文

望屬老成特重儒林之選恩深 存殁革垂褒 即之文殫篤素於 生

前 **関深**具學道 1 心心 典文衡廉 匪 懈 之 備 明茂著 刹 節終於身後肇 心 身修克 任 監 **初**屬奉公之素節靖尉無私 司 市已 而 宜 洊 一崇爾楊 膺節 鉞 忠義兼 名時秉簽端 施 肤 利嗣 曲 恪 前 植 學 亩

きりて見容では一分一

部

攸 加口 即 何典型之云謝溘逝遽聞實愴朕心爰加殊錫崇祠既陟龍尊 化敷教及儲材之地傳經資養正之功念耆舊之無多眷懷特 ノ巨差三クル 於戲 内 理學紹諸儒之統緒餘澤方綿忠良乃 召典司教胄六堂 仰諄誨之勤階 進秩宗三禮式寅清 一代 之楷模 加

賀常州龍見表

宜

握

爾蒙

不昧尙克

來歌

唐許敬宗

臣某言臣聞 明而降祥伏惟皇帝陛下道極上元功成下武重光煥蘇體廥凝 五 雲勝 遊泳宮沼騑服輿鑾玉 彩 潛龍 聖人 涵 作 地 耐 四 萬 海夷波 **順**丹交與會昌而 物 想 軒帝 麗滋 曲 一其受圖 而百寶用是以 契合金繩 太昊以之為 形龍 綠錯候休 御

絡 別駕終文英表稱所部晉陵縣尉信都 之揚彩不愛其道鱗 謂文惟幾惟深運神 無謝於是湛 圖 至德充 九重琢磨三代猼天之下用至道而不知懷生之倫荷大造而 於 恩洋 兩 儀 溢 大 介所 樞 孝刑 休氣氤氲 而不測無為無事致璇歴於平分故能網 以騰文 於 四海網 神物有 格天下 地 張 叔卿等七 徵於斯不忒 伏見常 漏泉不私其 天之謂武 人以六月十 制 禮 照日月為 裁 樂

常加入直流运义出一会一

表奏

色榮光高萬

古之靈

一
別
方
且

以兹嘉祉造類雲亭領其徽猷歸

功

一接熊氏

瑞

應

圖

国

有仁

聖君子在

位不肖厅退則見

惟

皇

作

外之 乃 没

於縣城南雲雨之際見有青龍長數十丈大八九圍

mj

逐通

性

德

動

天

造無不應是使

四氮嘉瑞

叶

于

· 祀之登

期

清廟豈與夫魚生露鼎察上荷心竹葦凝珠晨昏合璧校其優劣 何 可同年而語哉臣等運偶明時預聞靈慶不任鳧藻之至

パーオ ノーじ 書ラフーコ

到任謝上表

獨孤及

守常州刺史充常州團練守捉使臣伏以江東之州常州爲 豆 下不以臣不肖拔臣於羣吏之中以考則年未久以勞則功無 及言伏奉去年十二月二十三日敕授臣 使持節常州諸 大陛 軍 事

錄 而除拜之次加於人一等臣及誠惶誠恐稽首頓首臣往歲嘗

H

添諒官歷博士尚書郎之秩雖備嘗獻納累黷天聽竟無縣髮裨

共此一歎至如流人自占旱不為災實由陛下當勤邱之初下哀 補明盛及典濠舒二州出入七州叉不能副陛下政平訟息與我

痛之韶寬減租賦人三分之二是以和氣旁感災變為 福 福流 臣

人是以久臣甯敢貪天之功以爲已力今陛下賜臣詔曰斷獄

朝臣無其實謬承外獎伏覽聖旨惶悚隕越況陛下厲精百揆之 **蒇城流庸日歸以人俗之豐給當淮湖之災旱陟爾明效宜列中**

始 以堯吁舜各旁求俊造或經時不除 一吏必以公才爲先荷

非其人位不虚授縉紳之遣僥倖堅進臣當如此獨荷榮幸人之

多幸將自臣始致寇速誇實憂自貽令以三月十七日到任上訖

願勵波鈍 甘露表 增修更職懼力不逮上累皇明奉韶夕惕且

獨

孤

及

慙

且

駭

及言臣州內廳東階下二松樹自今年十月十三日夜至今月

园

麦奏

太古 德 年 之日皇符昭晰至意炳煥葢麦聖壽寶厯將與天比崇臣爲州三 信君ノ巨素ラブは 冠子云聖王之德上及太淸下及萬靈則甘露下瑞應圖曰王者 冱 味 無績 至於天則甘露降松柏陛下實行慈儉懷柔遠近無為之政 同 同給蜜餘溜滴地委積成泥傾州官吏咸共榮觀臣謹按剔 日夜前後二十七度甘露下降樹根枝葉霑灑皆遍潔白疑 風於天地氣和合而呈瑞况休徵感應之始實陛下降生 可紀疲朽 門名 何幸獲觀賴祥臣無任喜忭之至謹奉表以聞 與

伏望宣付史館

請自出俸錢收贖善權寺事奏

蠙

竊見前件寺在縣南五十里離墨山是齊時建立山上有九斗

臣

餘 所 堆怪異之狀極多洞門直下便臨大水洞潺湲宛轉湍瀬實繁於 壇頗謂靈異每准赦令祭名山大川即差官致奠凡有水早祈禱 Ш 寺前良田極多皆是此 無不響應寺內有洞府三所號為乾洞者石室通明處可坐五百 腹 竭洞門對齋堂廚庫似非 居之處臣太和中 車聲纔發 稍暗處執炬以入不知深淺其中石有鳥獸之形及鹽 内漫流入小水洞 雨即旋降 在 水灌漑 此 會昌中 小水洞亦是 習業親見 人境洞內常有雲氣昇騰云是龍 毀廢寺宇之後為 時早水小百姓將 白龍於洞 一石室室內水泉 中騰出 小車於 河陰院官鍾 無底大旱 為電 洞中 堆 市中 車 R

台前し自然之法と名一

表奏

離簡之所買宣宗却許

修崇佛寺簡之便於寺內所居堂前造

依神 逆修墳以絕百姓 處只以固護廢寺田產一二兒姪在此 葬簡之於其 是墜典已皆舉明今以古跡靈境恐遊翫喧譁居人褻瀆肸蠁 丈據於墳前簡之驚悸成疾遂卒於此子息亦固怯寺前良 **宮君ブ臣三三グ元** 下層思 大川之藪 减失所 歎息况簡之男姪家業見居揚州海陵縣松櫃亦元 通 間萬古靈跡令成塋域鄉村痛慣不 网 今為墓田 尚令官中收贖復置寺字豈有此 聖慮徹古特降勅命盡 收贖建立之路其塋繞成 理交不可臣懷 許 此冤憤近三十年儻 今伏遇陛下至明至 却收即難特有論請 忽 見 靈異古跡兼是 敢申論往 大 赤蛇 聖 長數 水驚 不遇 田竟 彼

之後並 交付臣 價 簡之男姪等移族櫬歸海嬳其寺地 交付簡之男姪等其寺仍請准近敕格度僧 火腹調 勾當 却舍入寺家永充供養伏乞聖慈敕下常州差官檢勘勒 名 軍 僧 將待揀定僧徒 持 教 化 同 後施 却 造成菩權寺其連寺 人常住其收贖價錢亦請便 及林木莊 住持靈泉勝境因 田等並 重出公驗 · 田 產 唑

朝梵宇永爲邱

塩神仙篇宅終被蕪穢臣今請自出俸錢攸元冒

謹 復聞於故 大夫檢校 屋錄奏聞 山臣旣沐爷澤獲畢素願臣無任踴躍忭荷屏營之至 部 聽救旨咸通八 尚書 兼御史大夫賜紫 年六月十 金魚李蠙狀奏 五日昭義軍節度使中

重遂掃灑洞府

仙

官

因

唑

下再獲依據佛刹重與於舊地鐘磬

表奏

的印入包表是法是一条一

書門下牒奉

敕李蠙自

出俸錢收贖靈跡已有近敕難

阻

宜依所奏仍令浙西觀察使速准此處分牒至准敕故牒咸通八 中用人自己了了一个

年六月三十日下

乞解罷樞密院表

之諸生參持黨之近侍章句末學不足以名家篆刻小文何施於 能動天有迫思誠難祗沖眷竊念臣本惟空劣特出單寒自縫掖 然自信軋者固多誤緣仁廟之知屢奉浴堂之對拔於詞禁置在 治世徒以樸疏受性孤遠立朝恥朋比之事君愧浮沈之隨俗 未前章請常言加飾聖度兼容葵藿寸心徒知向日螻蟻微志未 臣某言近以年力衰披目瞳昏乏乞還機政嘗貢表函 機庭未嘗伸幄中之籌不及更間外之任豈能坐制千里通知四 勿奉詔 宿 批

章冀匄餘生之逸得從謝事姑遂養疴而璇指未囘玉音尙祕彌 臣少壯之齒已不如人衰苶之年豈能圖國以至聖之主責甚思 嘗臣寅菾初政臣每因奏事親奉德音患太平含養之深懲流獎 之臣夕惕為愛任重且殆仍以犬馬齒薽鐘漏景侵因陳昧死之 因循之人垂訪一時之策規恢萬世之模盛德難名清光絕企而 夷幸賴安平偶容曠素伏惟皇帝陛下人纂聖統肇嗣寶圖 荷包荒之德盆 昭圖舊之仁然而知止足者道家之至言潔去就 優假

休息

於筋骸而本末主恩更熏酣於骨髓

孤節俯從

かりしていたとうという

表奏

者儒生之常分人貧曲龍終速多言伏望皇帝陛下哀矜陋驅保

私欲俾退仕途別選耆英用參機劇則進退臣節得

は君ノ臣悪 以元 乞常州居 住表 蘇 軾

明葵霍之心此言朝聞夕死無憾臣軾誠惶誠恐稽首頓首臣昔 欲其生人主之罪人也如父母之譴子孫鞭撻雖嚴而不忍致之 臣 死臣漂流棄物枯槁餘生泣血書詞呼天請命願囘日月之照 . 載言臣聞聖人之行法也如雷霆之震草木威怒雖甚而歸 於

既有司皆以爲可談雖明主不得而獨放一從東議坐廢五年積 將有望於桑榆但未死亡終見天日豈敢復以遲喜爲歎更生僥 汝州伏讀訓詞有人材實難弗忍終棄之語豈獨知免於縲絏亦 憂薰心驚齒髮之先變抱恨刻骨傷皮肉之僅存近者蒙恩量移

嘗對便殿親聞德音似蒙聖知不在人後而狂瞽妄發上頁私

何遠難於陸行無屋可居無田可食二十餘口不 知所歸飢寒之 風濤驚恐舉家重病一子喪亡今雖已至泗州而貲用罄竭去汝

君父臣有薄田在常州宜與縣粗給饘粥欲望聖慈許於常州居 愛近在旦夕與其强顏忍恥干求於眾人不若歸命投誠控告於

住 日以河水浸城幾至淪陷臣日夜守捍偶獲安全曾蒙朝廷降 又恐罪戾深重未可輕從便安輒叙微勞庶蒙恩貸臣先任

敕獎諭又嘗選用沂州百姓程棐今購捕凶黨致獲謀反妖賊李

之可言冒昧自陳出於窮迫庶幾因緣僥倖功過相除稍出羈囚 鐸郭進等一十七人亦蒙聖恩保明放罪皆臣子之常分無涓埃

皆 引 八 直 高 反 に 一 金 一

表奏

帝陛 愧不敢自明向非人主獨賜保全則臣之微生豈有今日伏惟皇 之無時貧病交攻死生莫保雖息雁飛集何足計於江湖而犬馬 怨仇交積罪惡橫生羣言或起于愛憎孤忠遂陷于疑似中雖無 得從所便重念臣受性剛褊賦命奇窮旣獲罪於天又無助于下 作君ノ巨悪三八四十二 候朝旨干冒天威臣無任俯伏待罪戰恐之至 仁壽不棄一夫勃然中與可謂盡善而臣抱百年之永歎悼一 惟猶有求於君父敢所仁聖少賜矜憐臣見一面前去南京聽 下聖神天縱文武生知得天下之英材已全三樂躋斯民干 飽

到常州謝表

蘇 軾

臣軾言先蒙恩授汝州團練副使本州安置尋上表乞於常州居

報有志不從已分没身寄殘骸於魑魅敢期擇地收暮景於桑榆 未經洗滌至仁易感許即便安祗荷寵靈惟知感涕中謝伏念臣 住 奉 聖 旨 所犯罪戾本合誅夷向非先帝之至明豈有餘生於今日銜恩未 依 所乞臣己於今月二十二 日到常州訖者積釁難磨

待罪戰恐之至

到常

小い 再

上謝表

飽食無思但日陶於新化杜門自省常益念於往愆臣無任俯伏

累聖之成謀念此菅蒯之微庶幾簪履之舊俾安田畝稍出縲囚

伏遇皇帝陛下仁孝生知聰明天縱寅奉上帝之眷命述修

此葢

蘇 軾

臣軾言先蒙恩授汝州 團練副使本州安置尋上表乞於常州居

表奏

的事へ已盛文法へを一

生秋成本無心於草木風行雷動自有信於蟲魚致此 此生得從所便此葢伏週太皇太后陛下厚德載物至仁代 覺涕零中행伏念臣猥以凡才早塵仕籍生逢有作之聖獨抱不 住 恩宥耕田鑿井得漸齒於平民碎首刳肝尚未知其死所臣無任 移之愚廢棄六年己忘形於田野诉沿萬里偶脫命於江湖豈謂 自甘永棄食貧口眾未免求安忽奉俞音出於獨斷仰銜恩施不 信書ノ目をライル 奉 聖旨依所乞臣己於今月二十二日到常州訖者罪大 幽頑亦切 人微

仍伏待罪戰恐之至

詩下御史臺體訪小人造作謗議奏 騰

臣竊聞近有小人多與謗議密相傳報驚動中外之聽或虛稱朝

廷升黜臣僚或妄言臺諫官非意彈斥百官或交致姦言以厚誣

則欲惑亂君臣以成疑似之禍下則欲離閒同心轉相猜忌以墮 被罪流落之人私挾喜怒陰遣子弟門人出入朋比互爲聲援上 近臣或造為惡名以玷辱多士如五鬼十物之類是也其實出於

十六子之說爲後世譏笑今二聖居上區別善惡進賢退不肖元 久大之業此其用意量淺哉不可不察也昔唐穆宗之時有 關

股肱風夜孜孜勵精求治惟恐不及非有穆宗之時八關十六

師

臣竊憂之伏願陛下特降唇旨下御史臺體訪其主名付之吏議 **搭流俗為害不細不於此時痛行禁止則恐浸以成俗傷薄風化** 子之事而姦倖者猶能巧作飛語公然喧播自京 以達四方屬

常即了是完交也一卷一 表奏

信君の自動の一条に

置 業奏疏不專及本郡省皆不載此因舊志本傳中謬易其語故 于典法以消襲邪横逆之黨天下幸甚

載之以備攻正

元祐戊辰六月知潤州奏

楊傑

稱見管下延陵鎮廟塚載在圖經記禱有應近因夏旱遂差官嚴

潔致祭未踰浹旬雨澤濡足謹按季札生於晚周當千戈剽攘之 際猶能執德謙退輕干乘之國稟然淸風干古如在其審樂知政

盛德信義詳見舊史廟中 有孔子所遺十字碑太宗皇帝嘗以其

字載之法帖以信萬世而其祠塚未經旌表賜號誠為缺典伏乞

朝廷特加封爵

陳志云是年九月敕爲嘉賢之廟內古碑 四 晉晉陵太守殷

仲堪 一梁延陵令王僧恕一唐上柱國高照 唐武進主簿趙

晉用鎮江志載此昔人亦云不在其地觀四碑官名葢於時鎮

江屬延陵也

知常州謝到任表

楊萬里

重豈薄陋之克堪中部伏念臣嗜古成迂信書太過頃從 承流閩徽初叨江海之麾易地剎西復界股肱之郡分顧憂而 山 益

聲撫柔憩公幹漳濱之身三年於外易獨孤常州之任 全度則孤拙之疾顛尋將毋以告歸乃拜州而得請玉 縣入陪鵝鷺之班心 乎愛君而直前慨然遇事而妄發非聖 再命兹茶 色臨遺金 明之

常川へ色変とは一条一表奏

爲才底綏秸服惟郡邑先惠養之治所願盡心使田 武蹈舜斯仁道在太極之先不居其聖明見萬里之外以臨其民 容飯慈惠之師布宣寬大之詔願捐輔郡以詔下臣臣敢 敢謂戴盆而望天今復舉頭而見日兹葢伏遇皇帝陛 八百零万元 里無愁恨之 1 ·纂堯乃 不既竭

聲 庶乎報上

謝復官表

李

綱

臣

綱言臣昨任承事則試

起居耶兼國史編修官論積

水不當隆

授承務即監南劍州沙縣稅務今月二十二日准告叙復承事即

差遣如故已望闕謝恩祗受訖海隅遠屏方履薄而臨深帝澤憲 流爱赦過而宥罪致兹孤陋亦荷甄收拜賜惟優無躬增厲

郊廟之儀左史珥螭坳之筆叨逾若此報稱謂何自以立有道之 念臣 奮身寒苦遭世隆昌惟造道之弗優致信古之太過誤蒙

姑從薄謫已荷寬恩豈期謫宦之鄉忽拜復官之命負罪至重

輒敢效危言之計雖思慮倉卒腸實無他然蹤跡飄零孽乃自

朝

葢 雖未削於丹書歷歲纔周已悉還於舊秩省循既往常刻何言此 伏遇皇帝陛下體天德而出宵紅古道以御有念一夫之失職

禄之階 聖所矜施三赦以 以滌瑕之漸荷恩盆腆矢死為輕再念臣 州值 刑惷愚為最俯憐孤跡曾侍清光還其寄 一去形墀屋

經霈澤親年踰於七十 喜懼之懷交深庭聞遠者三千甘旨之奉 表奏

常の人自一会会に一名一

告靡及非天地父母之德哀而憐之則犬馬螻蟻之誠誰復言者 清君 ノ色 墨三ノニー 名一 願垂日月無私之照獲伸烏鳥欲養之心則臣失東隅而收桑榆 人闕方聖主隆孝治以善俗獨孤臣嬰罪戾而向隅興言 及茲追

捐軀未晚先朝露而填溝壑結草為期

復官袁州監酒稅謝上表

鄒浩

承於內徒冥心自揣感涕橫流中詢伏念臣昨在先朝誤蒙唇髮 名勒停送新州羈管至今年四月十七日准告復官及移差遣臣 臣浩言昨任右正言緣論事妄繆死有餘責蒙先皇帝矜貸特除 已於今月某日到任乾投諸荒裔已絕望於生還沐以深仁忽叨

此 難逃兩觀之誅恩錫再生僅比三危之竄敢意哀憐之異函還品 圖 報尤 務竭誠豈知稟賦之愚遂至敷陳之繆罪當萬死

賜以淸閒之對援爲獻納之官聲光聳動於當時遭遇迴逾於前

乾坤知臣夙遇先皇不居人後察臣鷹更大赦特許自新從今膚 秩之榮俄自流人越容局事此葢伏遇皇帝陛下性隆孝弟德際

髮之餘年盡出聖神之再造臣敢不虔思訓敕痛艾愆尤簉望北 辰雖莫陪於星拱**间**赡南嶺固己近於天中誓堅忠義之心上答

生成之場

謝皇太后表

鄒浩

涕縱槓 收之領表復以官聯退惟萬死 中謝伏念臣資稟至愚分甘無用方神考育材之日偶竊 之餘迥出再生之願危衷激厲感

常的人是逐文法。全

表奏

綴於儒科迨先皇拔士之時遽叨陞於諫省念遭逢之 情和了自己之一一名 万及此內遷尤非敢望此葢伏遇皇太后陛下憲天作德如日舒 相 以酬恩不謂冥頑反成冒犯罪大當從於顯戮仁深止竄於遐 聖 哲以承祧與華夷而更始雖在八荒之外舉無 絕類思馨 一物之遺

是 致羈流亟蒙甄復餘生抱疾己逃瘴癘之虞慈母餘年得冀晨

昏之奉臣敢不深懲往罪勉企前修惟博施之無疆知 自 が之有

忠孝而已期不負於初心死生以之庶少酬於洪造

謝復官許居常州表

劉》

活言昨於昭州准指揮移漢陽軍今月初九日至本軍准 告 復

水奉郎臣己即時祗受壑闕稱謝訖見起發歸本貫常州居住

老

横 湯淚 里投荒豈生還之敢望九重獨斷俄意外以蒙恩感激哀 中 。就伏念臣實為固陋全昧幾微有言朝至於妄陳雖 游

足以塞責上賴聖人之救物特寬司寇之嚴刑但復竄於遐荒

姑使省共往咎惟昭潭之可畏與新州之不殊形影自隨朝夕難 保昏昏瘴霧信為提耳之師兀兀愁居因得致身之道惟忠惟孝

將 無占無今命雖甚於垂絲心 絕之驚魂既獲免於將孿遂函諧於定省名蠲罪籍品復文階 已期於結草不謂僅存之瘦骨忽還

曲 春生 技拭之非常皆覬覦之莫及此葢伏遇皇帝陛 進日之明旁燭戴盆之下謂裕陵長育賜之第而除教官謂 干齡光卻於丕圖萬物皆由於和氣紹隆先烈坐撫太平 下道彌天覆德

青川人自気で大は一大

表奏

難之備嘗念身體髮膚之再造盆堅夙志遙贍北極之尊長與老 哲廟保全矜其愚而屈常法召從五嶺之表端遇六龍之飛擢於 片君ラ白墨三二元 不次之中曾是惟新之數肆令甄叙俯及孤危臣敢不因險阻艱

親共祝南山之壽精誠所貫高厚必知

論太湖登在祀典疏

朱胡 宿

常三州之地而蘇湖爲多去二郡亦近湖中大小山七十有二洞 庭林屋福地皆在其中商帆賈楫日相上下二郡各有湖廟而常 臣竊見吳中太湖即禹貢震澤也廣三萬六千頃其水利溉蘇湖 無廟蘇州廟在洞庭湖州廟在大錢口方俗目為不水大王廟

諸禮境內山川諸侯當祭國I家儀文咸秩靡祀不崇其太湖欲乞 下蘇湖常三州登在 而典素· 秋差官致祭取進止

是也一郡小小叢祠皆祭而太湖獨不祭葢由祀典失載因循忽

請汰浮糧疏

國朝莊應會

本奏聞欽此欽遵臣聞民為邦本本固邦甯 奏為請汰袁瑞一府浮糧以蘇積困以和聖澤事 聖旨朝覲首領官面見後如有地方情形及興革利樂聽各官具 臣待罪江右謹將言 孝

瑞二府一地二糧垂累三百餘年應革大獎為我

皇上陳之技書志元至正二年瑞 五 一十二萬五千三百五十二石零袁州府增至二十一 千七百四十三石有奇袁州府稱是至洪武二年瑞 州府田糧開載原額一十二萬 萬七干餘 州府增至

青川八言気豆とは一般二

疏

法 中下三則追徵惟袁州悮報官斗止五畝八分爲一頃此尤顯而 **晋**й這子納降本郡糧民斗三升其子失察候報官斗十升按工 撫按屢經疏請積因未除菾逢 易見者兩郡之民非積年拖欠即流徒逃亡垂累三百餘年前朝 西各府糧則科田三十畝為一頭有二十五畝為一頭者分為上 之日兵餉匱部於額糧暫借一年此不終日之計也迨友諒敗老 人黎伯安將借徵冊籍抱獻希賞遂熙數起徵迨後老人坐誣伏 石較之原額浮十萬矣詳效其故瑞州之浮糧始於陳友諒割踞 作君ノ自藩ラー元 而銅板冊籍之數已定不復更矣袁州之浮糧始於洪武 一二元 一初歐

皇上如天好生與民更始正剔獘作新之日伏乞

也萬代蟾仰在此一舉仰所 聖恩軫念江西為天下極苦寒之省而袁瑞尤江省極彫敝之區 下該部轉行撫按丈量田畝清汰浮糧俾二府之科與本省之 郡相準示著畫一之規早定樂輸之額實固本甯邦之首務

唇鑒立賜施行

順治十年十二月奉

百該部詳察確議具奏轉行督撫督臣馬國柱撫臣蔡士英會題

十一年口月奉

確遵減免毋得踵獘橫徵有辜德意 困 方應從原額清汰着該督撫飭該府縣官

官

信君」人自憲三クニューペネー 唐故常州刺史獨孤及諡議

將仕頭守太常博士權德與議曰獨孤及剛方直清根於性術其 修身從官確然處中立言遣辭有古風格辯論裁正昭德塞違濬

波瀾而去流蕩得菁華而無枝葉其摳衣入室之徒皆足以掌贊

書而秉方冊則及之爲文可以徵矣其爲博士時有上議景皇帝 不宜為太祖者部下庶官及舉夏殷周漢之故事尊祖配天之大

旨以為景皇始封於唐天所命也于是定議為一代典法新平長

公主之子裴倣尚示清公主欲以他族主婚及時相禮上陳不可

竟得以裴僕射遵慶爲主當時稱之定呂諲盧來郭知運之謚

禮文憲度得襃貶之正凡所往復詞旨堅明其理舒州屬歲飢旱

鄰郡逋亡什四己上而舒人生聚悅安不知凶年優都喪異就賜

長帥之任然其奉常議論三郡續用亦足以列於文苑附於循吏 金紫其初在豪其後在常皆因俗為理人用愛戴雖不得居公卿

按監法目博聞多能日急鷹可替否日憲及酌三王四代之典訓

宗廟之饗為薦可正婚姻之主為替否有司稽美行而易其名者 作為文章以輔教化是為博聞位勢中外必以稱職是為多能定

詩鑑及日憲護議

毘陵水利議

國朝即長蘅

失江岸明人區議濬吳淞濬劉河導白亦捲類皆祖郊氏單諤諸 談吳中水利者言人人殊大較宋人函議復五堰復十四以門治

亖

常亦八昌恋受法一金二

藏

積而烈塘璪子諸港次第於入我 嘉靖初築城樂倭而孟瀆稍淤萬歴以後水政久弛濁泥乘潮日 界則申捲利港最大此渠皆可行舟宋元迄明舊置閘其上引潮 銀以東烈塘最大紅東迤邁而北梁子港最大桃花以東入暨陽 北支流道江者以十數孟膚最大稍東則小河港東則剩銀港刺 潦而潦 而漕渠之 藏格議灌類歲見告得無當事者慮有未究而 書然無係於毘陵利害故畧弗論也夫水利之大日轉漕日溉田 毘陵北枕江東南凭太初有二長之利而無其害顧歲旱而旱歲 通漕有餘財用溉民往往盆股引之溉田數萬計利至渥也自明 經畫之未詳耶愚閒按圖配工自丹陽繞郡境一百八十餘里西 作用人自悉了了一个 國家懲己亥海孽之訌瀕江

船空 港修復舊牐其利有三父老言潮來時試以蕭章留之章高一寸 金錢費亡慮干萬計而西北諸鄉時苦旱災誠疏通孟瀆烈塘諸 潮留數寸使濱江諸牐潮至而啟潮平悉閉引外注之漕渠巨艦 潮不來則轉漕艱阻小遇淺澀輒議疏濬人徒畚臿之勞水衡之 通流不復廬涸 列戍卒起亭燧支流通江者稍稍楗木石塞之自是潮絕不來矣 道功費人遠使盡復舊牐馬道必廢愚竊謂不然孟漬原宿有鎮 也難者將曰國家廢牐障流所以阻舟艦備非常叉其上皆築馬 一利也旁岸民田益得支引灌溉高礁舄鹵之鄉變為沃野三利 回脫遇京戶阻滯徑由大江抵常州空间既速則赴免亦速 一利出孟賓為江浙輝餉捷極載在漕誌秋冬館

当が八言を交点を全一

議

堤岸防泄運水令無錫知縣掌鑰匣遇水深六尺方開當 濟丹陽運五鴻牐乃可蓄無錫以西之水濟毘陵運今其蹟雖 兹牐己具矣顧毘陵以東叉有五瀉上下牐考宋史河渠志乾道 策也次議復輝牐呂城奔牛舊制三牐朱陸游謂自創為輝河時 廢宜於丁堰戚墅間特置一牐以時啟閉常蓄水五六尺以上則 如是蓋毘陵地勢西仰東領呂城奔牛牐僅可蓄奔牛以西之水 小舟下置棚欄列戍之卒謹何其啟閉又於卧門上平布巨木度 兵今距江置牐設天關燕尾令可通行巨艑其他支河卧門僅通 一年以兩浙轉運司及常州守臣言填築五瀉上下二屆修牐裏 可容數騎並驅亡患二難矣去二難就三利轉漕漑田兼資最 日順重

溝渠陂塘所以蓄也故農諺曰種田先岸種地先溝高鄉不登以 演故道十疏其六七澇則泄水入湖早則引水灌漑而濱湖之地 歸於海者然稍湮塞矣宜鳩工於食利之民開茭蘆漘淤澱令百 無溝故低鄉不登以無岸故郡太常唐鶴徵有言高田多為陂 次議濟溝渠陂塘下地懼水齧之圍田所以防也高地利水豬 無凶年單鍔所云百瀆之驗歲水旱皆不可不開也次議築圍田 在毘陵二十有六在荆溪七十有四所以洩西南眾流入震澤而 運河免灌注挑濬之勞此專主漕者也次議疏百瀆按舊志百瀆 厚储深蓄 於內陂塘闊深圩堰堅完高下兩利歲可常稔三策皆專主溉 勿使洩而溢之外低 田多為圩堰渠穿股引無使潰而

特別し言語文記

脈也吾邑前後市河惠明玉帶諸河所在填於舟楫梗澀譬有 猶 懲羹吹虀因循廢墜重為史起所譏詎不惜哉愚更有說爲一 蓄泄易施利多而害少故與利易昔西門豹治鄴漳水在旁豹不 知用吳起譏其不知今擅必興之利操可濟之策據易集之形而 者也夫蘇 身然四鄉其四肢也邑治其腹心也川渠流通則其榮高 無恙而心腹瘕結其人必病吾人憂夫吾邑之告病也 松地卑下巨浸所滙有利亦有害故與利難毘陵平壤 邑 血

其始通禮葢未同於中國也是特楚椒秦術一例而書耳說者曰 秋吳子使札來聘吳蠻夷之國也君稱爵大夫稱名而不氏 因

孔子不貶季札論

元失

致 然夫吳子壽夢有子四人長日諸樊次日餘祭次日夷昧季則札 札賢者也本 也父知其賢兄弟亦知其賢嘗欲立以爲嗣矣又且約以次傳 春秋漬賢者備吳子使札春秋不稱其公子是貶也然則曷為貶 國矣然終不肯有其國豈不日立嫡者以長傳國者以賢苟 人道之大倫以成其父兄之志誠不若守匹夫之介節而得其 于野之安也何則長幼之序不可紊君臣之分不可好將 其辭國以生亂故聖人特託其來聘而貶之也是不 而

退耕

亂也非生亂也今則諸樊兄弟已死夷昧之子僚乃立吾將奉嗣

台川ノ自英宝スコニ圏(名)

固

得以是而豫貶之也闔廬之謀王僚之弑且知

季札必不受

命

透現

乎上

國造

料

魚劍之變縣起於肘腕之間哉聖

伯之去 得之矣况聖人乎說者則日太伯奔吳而不返季厯嗣位 齊之德不越伯夷孤竹舍長而立纫私意也諸樊兄弟無及季札 之問殷以是亂者九世豈獨季子之辭國乃生亂哉說者則 亦不肯任天下之責太伯之德雖在 武王繼統而受命亦不以配天之業讓伯邑考也是又不然夫 清君 人と素子グラル 王之世矣使太伯返則季歷不肯承西伯之任伯邑考在則武 返豈可殞周家已成之業哉若伯邑考則且 國 於 固古公之欲立其弟季厯嗣位 不讓也父子世常法也兄弟及則法之始變也陽甲盤 於讓季歷之賢武王之聖非 口於國 非不辭也端委治吳而 寫 人雖常 御於商見殺於文 人之情猶 而 目 爵祥

足云 尊叔齊以天倫爲重彼此交致其讓而各盡其心以故聖人賢之 之賢者父 馬 國盍不於吾魯隱桓之際觀之乎惠公欲以桓爲嫡禮之所不得 然季札又何以知其為公心哉諸樊兄弟欲承父兄之志使有其 而 也 省 己壽慶其惠公也諸樊兄弟其隱公也吾見其邪尚 哉且謂季札生亂於辭國殊不 惠公総其 春秋多變例聖筆有特書荆楚 不登其姓名而 人通而子突書字諸侯公子以名著 兄眷眷馬欲立札公心也是又不然夫伯夷以 那 心 而爲之隱公又採其邪志 叔肸書氏皆以賢而特書也若仲 無大夫而屈完書族 知使有其國凱益 而季友書子母弟之無 而成之祗以自 何公心 甚矣說者 尼亦賢季 父命為 王朝

肯川 八 自 京 三 大 三 大 三 大 一

夫而後漸同於中國後日楚子之使還罷君以實大夫以名氏楚 之來聘不主於季札之讓國季子之來聘可見也讓國不可見也 **殆盛矣聖人果賢之乎否也今則春秋書之日札而不稱公子者** 之亂叔肸之卒則叉或以公弟之貴而世遂為卿聖 吳之始通禮未同於中國吳子之使札是猶楚子之使椒秦伯之 特因四子以立義豈得與季札例言之哉然則春秋之旨主於吳 盟之意也而居完請服王人救衞之役王室微矣而又使子弟主 便術也聖 兵故子实不得有功季子來歸 札必以此例而特書矣是叉不然夫齊桓召陵之師楚人未有必 人一以是書之至若楚之自州而國自國之有君有 則我公請之於齊而欲以焉魯國 人之特書者

其讓國之賢亦所不能也要之為此說者公羊則曰賢季子穀梁 吳之始通猶未至於楚之寖盛故也又况吳子之使聘者 季札之辭國生亂非惟聖人不能於是貶之雖聖人欲於是而稱 事季札之讓國者一家之事春秋魯史也主於吳之聘我者耳若 日善使季子夫季子固賢者也春秋亦不以其賢而 不名也 國

羊

之說强附他義且 三江論 贬為非賢者何哉失聖人之本旨矣

吳之始通而後有聘賢札貶札聖人不暇論

也

今又反因二傳

所以成尊於上楚秦椒術名而非賢也叉將何以成其君乎是

所謂許夷狄者不一而足是也若以吳子之使札為善札賢而

國朝楊 椿

病が八三気を大い一般一

論

桑欽 声已 江 昔之言三江者不一其云彭蠡所分而 清君 至徐陵爲北江荆 分江水為 海 則二篇 昭謂 職方氏疏二孔尚書傳疏也其云松江婁江 加 庾仲初揚都 江右 禹貢 ノ巨震シー 名 吳松錢塘浦陽郭璞謂帳浙 毘慶縣 山水篇 南江而一不言中江一不言南江其言毘陵北 合彭蠡 俱 同 賦注 班 L 出 州記以江出岷山至樊都為南江自犍為至遠 為 团 中 出蕪湖至陽羨入海爲中江沔水篇 之江爲北 南江初學記以岷江為大江至 而張守節史記正義尤詳其云吳越間水者 江與禹貢山 江 鄭康成 水篇同南江則在吳縣南 松也其云 不詳其水名者賈公彥周 以 大江寫中 中 東江 江 南江 者顧夷吳地 九 江 江 水為 以石 左 寫 江 中 者 城

蠡皆 陽分九道會彭澤 禹 云 介甫本桑欽蘇子瞻同康成時 疏 殊為非擬章昭拾大江而言他水則愈失其指矣初學記荆 支流 禹疏九河管子荷子呂氏春秋淮南子云禹疏三江司馬遷云 繆悠之甚皆不足道鄭蘇之說 同夫江河之水大矣下流泛溢之處禹故分之以殺其勢孟 九 入江之水與疏之義不合然自宋林之奇曾皎 酈道元言別為三江不與職方同者也郭璞齊松浙于 江共義一也二孔賈氏 經燕湖 寫 中 **鴨**笑無憑 瀾以漢寫南豫章寫北微 江東北至南徐州 則合荆州之漢言之而 顧庾張所指蓋 人海為北江 程珌易夜 漢與彭 班氏 與蘇 岷 王

肯加了<u>国</u>整文法 【 给 一

昌章如愚黃度陳普黃充耘

明鄭曉周洪謨馬

中

錫

卲

北江入於海葢江至湖口以下由南向北 文質之實有不可通者導漾經云南入于江東滙澤爲彭蠡東爲 張吉章演郝敬袁黃皆以 東流之漢水乎導江經云過九江至於東陵東迤北 經流者即為中江中者正也中江北江本是一江以下流而言故 A 二江東北 江之下流對上南 不得在彭蠡下矣且漢己人江則江漢合 江入於海東陵解 北 與湖水會故 出 居巢縣南注云遵巢湖東逕烏上 入言耳 曰滙院會之後歧而為二支流者爲分江水 如漢志宜 爲然近德淸胡氏主之尤力 使 名漢為北江 在廬江北會于滙則水經沔水篇 用 則其玄當 西向東所謂北江 一大江之外又安 城北 會於滙 者是也蓋 余嘗 東灘 東 以 爲 經

岸言之又水經南江歷湖 皆出于大江深合疏下流之義以今考之志中吳縣入海之南 謂之北以經流而言則謂之中非有二也彭蠡不在三江之內 分江水亡以松江當三江之一猶今汝源斷以西平遂平諸 分為南江東至餘姚入海之文則石城水即吳縣江上流 經云彭蠡旣豬又云三江旣入三江與彭蠡並列而强以彭蠡爲 不言所出餘姚 二江之一不更支乎欽固創南江之名失之太鑿然所謂三江者 不同者漢時縣境廣闊吳縣餘姚一在水北一在水南故各據 源耳此江之可考者一蕪湖江水經漢志但云陽羨入海而 人海之分江水不名南江而水經有江至石 口東則松江出焉東江為分江 水別源 加 城縣 海

常が八邑流受法と学一

論

記判溪即 之可致者三石城之江久已湮沒蕪湖之江五堰築而其流始狹 東壩築而故道不通今惟大江在耳世儒目不見石城蕪湖之江 塔河在江都縣與江南孟瀆河參差相對孟瀆河今屬武進此 當之非矣明景帝實錄景泰三年正月乙卯御史練綱言江北白 水篇言過毘陵不言入海所謂文有脫簡世遂以東逕黃橋下者 州人海漢志云毘陵入海叉云江都入海蓋亦各言一岸水經沔 之可考者二毘陵江江之經流今自武進東逕江陰常熟至太倉 陽之水下流至宜興由太湖入海者即欽固所言蕪湖江也此江 詳其所出名勝志中江即瀬 古中江劉穆之云船從義與通江至蕪樹葢今高湻栗 水一 名永陽江在溧陽縣 西北寰字

ノ自動ニースークー

欽固取漢志三水而去其南北中之名非敢立異也亦求不悖於 聖人而己 抹點題又泥南北中之名而三江之旨晦矣余故本之經文參之 妄以東滙 會合 一而寫 一中 **红北江分而為二甚之疑惑經**

泉齋說

罗李東陽

寫溪 固 無錫邵國賢居近惠 道以此故也後人論道者曰體用一源顯微無間夫所謂 莫知其泉也及因 為 河為江 顯其出有本其行有動而其為用不可窮方其在山 為海人亦忘其為泉也而泉實有之孔孟 山以泉名齋因與論泉之義日夫泉由靜 物賦形隨時費用 概 而爲田 而 為檜滙 以水喻 源者 而 而

情が八言流文は、第一

德學蒙之戒合內外人已而求之其於道庶乎其盡也國賢篤學 下第一人自要另一八人名 有取於名齋之義也夫若泉之在惠耆則徒取其名而弗濟于用 而力行既有所得矣今以按察副使督江西學政有教之責爲其 一義爲以之爲學則有家之象以之爲教則有發家之功包蒙之 非因物以為理也然則即泉以求道其亦甚近矣乎顯於此有 即體而用在非體之外別有一源也所謂無間者謂 理寓 乎物

以贈之

國賢益

因是以求道而非局于是以爲用者也國賢以爲然乃書

販濟說

唐鶴徵

傳云救荒無奇策無奇策爾非盡無策也天災流行國家代有諉

之令甚嚴販之備非不具也而賑固難也二十年間三出內帑遣 薄徵鍋之謂也不知并田之法行所以制之未炎之先者不啻詳 請蠲請折不其末乎說者謂周禮荒政首曰散利賑之謂也次曰 有條理民以爲惠楊給事時舉齎銀二十萬賑東南諸 販矣其在關隴遠而莫詳亦聞無大補益鍾光祿化民販中州差 己自余鶴徵入仕以來仰覩朝廷軫念民艱曠蕩之恩屢下積點 相收之義善之善也公廪有餘積有司有實心抑亦次急而請賑 無米飯言贮積之為急也故使民自有一年三年之蓄又有相恤 酒高會靡費不貨有司館貽爭為豐腆計其齎其費恐不給也卽 云無策將立視民之斃而莫救與必不然矣諺曰巧媳婦不能為 郡惟 日置

おいくには文本となっ

說

告者或可得也其詳見先君子與邑令李公書中夫脈之難在開 **蒙輕貸惟折則在司農不失故額之用在災民得免浮耗之徵若** 時無益其庚癸也權其利國則帑藏之出不可屢徼京邊之儲不 比比然也然以賑蠲折三者較其利下則脈宜及民特行之未善 **嗟嗟豐蔀之下何所不至哉 良可 痛已大都官 賑官糶不得其方** 倉積贮漸虛己諱言折惟原定輕齎數萬石以待四方之以水旱 折輕而減于買價穀留而供於時哺則又法外之仁也然邇者太 會未及知也即有知者抑勒守候得不償失枵腹奔走踣斃滿道 有所賬里胥遞爲侵剋其餘半入市井奸狷半入豪右之門鄉民 耳蠲折利有田者而無田者不沾其滴憑也利在徵輸時而次傷 店港ノ目表記ノルー

常斯馬夫亦未之思乎夫佃人終歲耰鋤手足塗地幸而豐熟半 報之不公也里胥之侵剋也守走之順苦也信矣予嘗謂惟業主 其餘鳴不以佃種為業者乎故舉佃僕脈之盡民矣畝貸米一斗 之各賑其個僕則無是也四郊之民除稍有己業者原不在賑例 彼以藝平則貸之云者非直謀彼之生也亦為我田之利且非直 入業主稍不順成則入者居七八存者一二矣是其盡筋力之勤 令其與之也猶令估值而償在 忍啼號之痛以奉業主其常也卽云彼資我田以生我田獨不資 而無恐在業主也雖或與之實則以故易新而無失藉合他有舉 田十畝之家得米一石不獨救死兩月可寫作息之資矣業主 田僕也若或贮之可以有求即得

常明に記域安本で参一

說

易作自古凶荒瘀癘勢必兼行正以是也是欲以生之而反殺之 誠危迫之甚矣饑飽不時宿歇無地加之人眾則穢氣薰蒸疾疫 謀生安忍乞食非其本業必無可爲安忍棄而就食故仰粥以生 者計戶而與之即有相欺不至相遠且彼殷厚者未必以此微利 按里甲而販之里舉其殷實忠直者一人督同里長報其里之貧 散之熟若自散之有實利也又不嘗責民之勸借乎與其借之無 而以身試法也至虖急而煮粥則無策之策矣江南之人非必不 交之人孰若借之佃僕之有恩義也不得已而為有司之脈莫若 無大費子故日未之思也往者有司不嘗賣民之輸栗乎與其官 要勢必倍稱終無所給田必汚萊我亦何利馬予家歲間行之頗

作者人と表言うこの

社倉古人有之法非不善名非不美得其人為利誠多非其人害 亦不少未當輕議也若將姑務其名以塗塞當道者耳目吾弗 之傳餐庶聚不至眾貧不至傷去家不至遠可無露處烟火相望 也必也潔其變燎時其饑飽方一二里間即擇 同時給食 有可單車輕騎不時巡行以警其不恪不潔者庶幾有療乎常平 可無他顧日起就食皆其熟識可無剃眉矣其要又在 一地俾之列坐與

常郡文獻考說

國朝章大士

書之備 史列之郡邑詳之世之君子可按冊而求矣然昔人有言所聞異 乎道法者為文人之重於今古者為獻其人其書亦旣 國

台門ノら成会スポージと

達者詳其姓氏里居述其品節議論又豈好學深思者所能已平 辭所見異辭所傳聞異辭必歸之好學深思心知其意者則又何 者異同之際猶有可疑顧弗深考耳即一郡之道德才名所稱先 作用 ブーに 茎ニニホ 言揚扢風雅亦詩書之餘派然而原委分矣獻以表德非追踪孔 竊謂文以載道非羽翼經傳發明聖學者不足言文其他記事篡 也豈非史傳每多闕交鄉評份參毀譽古人言行卓卓見於後世 表然而偏全別矣吳中於夏商之際僻處要荒自泰伯舜吳始開 孟與閩乎道者不足言獻其他忠孝節烈勳名才望亦百世之師 與鄒魯爭先然此統言三吳之彥非一郡所得私也自奏漢制郡 風教季子讓國益勵名 1 節言游氏親炙冰泗之門牆吳中文物遂

獻斷以龜山先生為稱首其後數百年而有忠獻高公涇陽顧公 業于二程夫子之門得中原文獻之傳雖係北人其後倡道東南 判老佛之非樹干聖之的者頼有此耳至高公之立身制行粹自 無疵尤爲儒道干城其從容就義死于逆璫之禍特其應事之一 修復東林書院講學其中一以程朱之言為鵠標旨于格物所 築室錫山號為東林從遊者日益進自聖學續于濂洛而常郡文 以來迄于五季之際風俗浮靡所稱江左人文者競以才華自炫 即有豪傑之士生于其間不過以一節著稱而已自龜山先生卒 氣節然豈必公之知己哉此後學之所宜考也他若周孝侯之卦 而非公之全體也海內名流相與往還者奸人目之為黨激為

合門ノミスランにあった。

難鄒忠公之斥逐尤文簡之正直孫文介張淸惠之淸襟忠鯁李 若胡忠安之愿事四朝功伐顯著雖有淸難之嫌而湘湖之際保 可 忠節繆西谿之慷慨就戮馬文忠金忠潔吳漄州之閤門赴死盧 宜之不能浼文襄猶蔡相之不能累龜 全故主者多矣唐文襄之閉戶著書潛心理學天人性命之故兵 幸當家國之難以一死成名豈其心哉此後學之所宜攷者二也 儒林之望師友淵源非偶然者令其身際太平被澤生民不淺不 所鍾後先炳燿于史冊海內之人能言其事而其生平自命固亦 歷數之微所著述無不究悉晚年一出勤勞王事**殞命**戎行分 馬之鞠躬盡瘁父子君臣兄弟朋友可無餘憾皆天地之正氣 山也然不免來愛憎之口

情君ノ旨表三つ元

一、光

今弗錄後盆 抱道隱遁名不聞于當時姓不通子史氏者 生後有忠憲先生固間代一人矣其餘忠孝節烈皆稱為默纂言 才矣他若 點龍溪不滿清議然宋元通鑑一書與陳氏集覽正誤並 矣此後學之所宜考者三也薛仲常之文學爲世所推而特以能 足以華國者也故人重古今文兼道法光大聖學者前有龜山先 事揚風 · 挖雅皆得為文史冊所載一郡中不已數十百人哉其 顧 沢没 尚書之才俊邵工部華學上之詞章亦三百篇之餘 無傳此所望於好學深思心知其意者之細寫 又不知其幾何矣 一種良史 及

頌

延州

來季子觀周

樂領

萊

訂馬

之式 腧 魯公卑私彊泛棄厥緒或僭以佾或雍或旅襄磬武憝方叔之鼓 備舉參聲知政閱覽博古或登或降踧踖傴僂夫何自鄶乃不及 文德之容亦有大武允奏武功淵乎蕩乎泱泱渢颯或秉以籥或 我幣我車北東懿彼諸姬曰至魯邦魯侯賓之自郊 我之懷矣惟我季札來從句吳懋聘上國王綱縣壞侯度傾 綴以崇上際湯禹虞舜之隆曰獲曰夏韶筍以終鳴呼 尋干戈不德以力大音橢綜二氣箭 尼有云周公其衰豈獨郯子學在 蹈海 命瞽宗首以二南繼以國風載雅載頌商魯攸同申 散亂 無所先 王之盛 究彼始基器之尚存去道遠 四夷邈矣干載詩亡樂缺設而 **慝禮樂不與緊誰之則我** 祖 四代 宮魯侯亭 以象箾 側 Mi 日日 伸

不御 矣心馬孔怛作此頌章昭示來哲 朦 瞍失列日趨淫 哇 恆用鳩 呐 宣 榭旣焚本實先撥我之懷

與吳靑門書

明

繆昌

期

肖昌期疏狂謬戾身蹈不測辱詞 林 而羞前輩分不齒於 人類

矣老年先 生不忘菅蒯之思遠勤慰諭此誼非所望於當路諸公

世 所 坐政不免口語交游之累耳夫史事方殷時禁方厲身為 中素號空虚昌 期 雖 至 愚極 陋 何敢妄 自菲蔣擅 與他事 史

不能奮筆直書附於董南之後而徒以口語交游受累也豈不 途竟有不忍言者承問之辱稽首以謝又思生寄死歸之理 奄 人顯 横 而 綸 扉之 中每事依阿專為身家起見將來仕

告申し己気意とはことと

間 恭承老公祖創建龍城總洞所以表章往哲 書胸臆 乃狂夫分也吾何畏彼哉先生忠義之氣高於浮雲異日作 省 周爾 及讀 干女鬼輩 何如 與歐陽太守論本邑先賢祀書 時 所 貽 人不 趙先生奉尊指杠 作 肖不謀 拳趙先生書意欲博採芻斃如不肖其人者諮談 見女態語先生預爲留意此 回家國無嘗議首尾不渝節者大中丞湯公沐柱 正 典 刑則昌期九原含笑雖死猶生憤 而應之日以不肖所知爭大獄發大姦蒙 顧做寓問吾邑本朝人物 外無可言者 風厲後學者德意甚 繆昌 灼然耳目 期 問 相

史貢公安甫

而

趙先生首肯日然次問某公何

如

国

名理哲以

死百

折不

其額 止得 光大其舉則問益之不至濫觴可也 和汰 之表吾未覈也然則吾邑之先賢竟寥寥乎則何以復郡大夫 有祀典在 無失 考也黃 也 124 而 幽 放 閒 人並無子孫有氣力者得攙附於其間至於今而無有溢 叉汰精之愈精自春秋至正嘉問合祀二十四人 故也嗣後而議者欲愛惜此 他邑之祀典難 HJ 之際吾未知也 志 訪也吾邑正嘉問 偏 於搜奇其失也 叉 決吾邑之祀典易決 問某公何 人號敦古家持清議 **離獎才藻趙志主於持平其失** 日然則何考據平日有邑 如 名則嚴持之毋使續 日 文章典以 也 何也原祀 以故先賢之 裁矣朝著 而本朝 貂 有 乘 欲

岩川八<u>昌</u>。经上<u>一</u>

掩危

節

稍折衷之可也趙先生唯唯不肯退而檢所藏

新舊

續 謂 議 已 定 矣 無 答 置 啄 矣 今 議 自 吳 季 子 而 下 止 存 邱 忠 定 趙 經崇祀並無別議者則有寺正嚴公本郡伯孫公亶 抑 秘書二人與季子鼎立而三非也其在本朝自湯貢兩公而 乃敢裁書 也隨以此語轉白趙先生業已呈覽馴不及追不肖於是徘徊 先後七人上議輒訝然歎日上下數干載而得七人何少也七 二志送先生採擇將謂先生 中 亿 向 何太多也以顏蔣二氏之例例及於吳季子宜多者何太 不能以自甯 本朝居其四何多也以吳季子之例 而畢其說夫勝國以前經累朝之淘汰罕後嗣之營求 日堂 可以歐陽明府之盛舉啟後日之訟端 再有商權也近日接先生 例 及於顏蔣二氏宜 世遠事逸其 來書 知以 狙

長 廬嚴 此 民 乃别每追想此事前輩風流猶宛然在目孫公者雖載邑乘今不 嚴公布衣薦起者爾時周文、襄公巡撫江南操舴艋 促膝語皆吳中官民 子孫俱消歇無所 其果 與國 而後 代之也不肖非苛求顏蔣二氏謂有瑕行 而予彼必且並擊其人角錙錄較分寸實見其人有所重輕短 公呼其妻日此 PJ 何 加 申其予奪而 而子孫之口與其家之私錄不與馬今夫趙先生狷 人意亦嚴公信也今奈何歷以顏大參澤蔣愈憲舜 從問 必吾故 利病也坐良久命煮二卵以進支襄啖之盡 所為 然黃志所載 重 人周 車型 恂如 短長之論非自口 大畧具矣不肖少聞之父老 也急披衣起迎之娓娓作 可摘 但謂義 碑 夜半訪於其 出 祀者奪 則 自邑

清川 八 自 京 三 大 三 一 会 一

書

回兼清 餘年者· 兼無社之饗豈非所重在此則所輕在彼耶然則今日增記諸腎 必核共生平出處大節如所謂 之夫是二者美非不節也然但可取人於辨官論才之日未 之長者多好言居鄉之雅度與居官之惠政而似者始得有以 介獨行古君子也豈有私於二氏即二氏似恂恂長厚人 氏下者而何以待之且夫論先賢者亦論其大節而已矣大抵 不可配但配二氏而 入以易世俎豆之典所以萬石逡巡不領賢豪之惠桐鄉只 風 十七義無所出 勁致矯然物外 一朝奪前輩者二叉追奪周秦自勝國數王 也 且邑固有名在二氏上者有實不在一 可廉頑立儒者予以特典一 争大獄發大姦蒙譴濱死百折不 邑如此 也 **祝**未 可定 一何獨

之五邑可也此 老公祖之末議者如此 不肖公平 之見將以救趙先生之所不及而上佐

上陸明府書

國 朝陶学尹

於無窮甚盛事也字尹世居兹土熟悉水道情形請一陳之邑有 行抵常熟界下劉河 派之水為漕艘官民船往來孔道河旁沾水利田數十萬畝水東 應天河橫互東西長七八十里去江三四十里首受毘陵梁溪諸 隰平泉清召伯所以有成也播之詩歌傳之千百載下令人歎慕 頃者明府有修復邑中水利之舉夫流泉夕陽公劉所以允荒也 十餘里無來源惟江水自爲出入非漕艘官民船往來孔道祗 入海此外有橫河亦橫亙東西長七十里去

的的人自然这么意思。

揚庫堡城之商販沿河居民小船般運而已河北田資各港江潮 横河此一片憂民之心凡在宇下敢不仰體率先但此河僻處沿 情停役不行今明府因江邑累遭水旱多方講求蓄洩復議挑濬 成平陸民間架廬築墓於其上歷年遠而愈多矣順治年間邑 之灌輸河南田又資應天河之流注其沾橫河水利者無幾河身 議者云照田派夫每田五畝出 胡敔父子具呈開濬前任沈公卒詳上憲蒙憲飭員勘地勢察興 因潮汐來往泥沙易澱前明屢經挑沒未外即於塞不通故道隱 江水澤不能遠及以通邑之民力處積荒之後開七十里之河道 夫 月工 畢創當出六百夫矣每夫一名工食銀以八分為密 一夫人有田百畝者每日當出一

港以出橫河傾瀉入江則應天河旁田數十萬畝旱涸無水皆成 毁民廬掘遷冢墓萬眾哀號亦見聞之所不忍更有甚者應天河 自 命則凡舉大工大役俱應順民情而為之者也書曰罔違道以千 地形高於橫河二十餘丈橫河一深開則應天河之水勢必由各 是百畝之家 可移 **畱意於此也今誠與民休息長養而撫循之漸摩以交學絃歌則** 前而不能無呼咈魯論日君子和而不同則僕狂瞽之說願 石田矣閩之利不百害不十不變法易曰兌悅以和民重與以申 姓之譽罔咈百姓以從己之志雖在唐虞盛時殿陛之間有都 風 俗 而登上理矣不必切切馬從事于土功者鋪間也暑寒 一月而有四十八金之費民力何能堪此 耶 叉需折 明府

的パスミ族記念はこれと

遞更鞅掌不易伏惟為國自愛不宣

作用ノビスライス

與孫明府書

朱鳳台

速已也或不待醫者之問而病者自言其患苦之狀或病者不能 竊嘗聞之醫者之於人也不獨察其脈審其聲而已也必詳問其 老父母下車兩月以來二三父老傳播愷悌之聲無不踊躍 為不如是則不可以已吾病也今靖固病甚矣某則靖之人也 患苦之所在而欲一一得其為實為虛為寒為熱之改葢以為不 以爲瘠土叛民之福某亦惟有欣慰餘年亦何庸更有所陳凟然 如是則不可以定治療之宜緩急之序也而求醫者亦欲其病之 而其家之人言之亦必告之以為實為虛為寒為熱之故而以 企望

靖之人 而言靖之病知必為老父毋之所急欲聞者矣請得

陳之

志 確 責云耳往者一有呈報或有訪聞即差捕緝拿則其人之實與否 **楚毒備馬有不必到衙而已將斃矣至衙訳之而楚毒又備馬有** 亦尚未可知也乃不特衙得以訳之即役亦得以訳之役訳之而 之設有捕 不必到堂而已將斃矣嗟乎即使此盜萬無可疑亦當正法於歷 訊盜之獎宜革也夫强盜重辟也犯者必至於死大法也凡邑 itij 削 衙捕 明証確之後乃不必俟縣與各憲之研審贓與各証之 可以死人是朝廷之大法一衙役持之而有餘矣且楚 衙之設有捕役葢以地方有盜有窩輒有緝捕之

的化て自成反は一分と

隨獲隨解以憑親審詳報則法守旣 致大獄此皆事之深哀極痛天日爲昏者也如臺下大彰嚴示特 毒備至之下何求不得則一 此者稍輕積孽藉以不罹憲網是亦臺下之再造於彼者矣 而 行申飭凡捕獲之盜不論眞偽築不許捕役私用非刑弔拷務在 良民富室及平日曾有睚眦 招 **同申飭在案蓋以一** 人命之勘宜愼也凡四鄰團保報稱縊死投水死及未告保辜 角口之後染病死者斷斷不須委官相驗八矣奉 卽贖罪亦必不能辨或鬪毆之時驗過傷痕確在限 經委驗則犯人之家必至立破後此審斷成 一時信 之嫌者無不株連蔓引展轉相誣文 口供攀以求緩須臾之死者將 一良善得以安枕且亦為 內死 者要

在驗 案所以每多牽累恆至三數年不結而各犯之以無辜而蕩產破 牒可以稽緩無因緣可以作姦此近日定例之所以獨責印官之 家展轉流亡者已不一而足矣設使當日即經印官親行速驗則 右之供報 之害至於傷痕之有無疑似輕重淺深及致命與否又皆止憑左 親驗也往見本邑一有呈告輒以委驗爲恆事一至委驗則兩造 四鄰與詞 勘旣確常遂葛藤至 之必速必 內應審 巧文之附會而實不得一眞是非以為不可移易之定 親速則恆 人犯皆尚未得赴公堂 此年來親見因此受累者比比而是惟在 不暇為獎而眞情可以立得親則無文 鞫而立刻已有無窮

特別し言気記とは「公子」

留

心釐剔之也

達部奉 私 餘年以來官民所食皆私鹽也雖歷來奉憲有緝捕 素業鹽行者亦以過江 不至缺乏而本邑之鹽課舊額新增又皆係通邑里遞輸納業已 又設立鹽快 **百遵行謂之** 此役 相 巡鹽之役宜革也靖以江外僻壤本地原無鹽商即繳浙等處 連結每月每歲皆有恆例以聽之往來貿易故民間亦得以 自應時有緝獲故也其實巡役與積慣之私販又未嘗不 洞悉今包課之法叉已 一項以司巡緝而官之所需即責之於巡快以其旣 包課是靖邑數百 風濤之險裹足不前故自立 年食鹽之所繇 定而不可易則 來 削 縣至今數百 邑所需之鹽 私鹽之文然 各憲與大部

許便民而巡役獨不許便民也去歲已奉總督批詳憲筆連書該 革二字卽己嚴檢示禁然其如積役止知有 價 飭并賜勒石永遠遵行則靖人世世食明德矣 旨厲民 家子弟里卷愚民 一時時騰貴不得通行是責民無故而包課也是各憲與大部皆 已與官等矣乃向 博之禁宜嚴也世風 日 久玩生又將肆行無忌惟亦老父母查 一人其中無不立 設之巡役猶復 H 下賭博處處有之惟靖俗 借 見喪亡盡變下流不肖 名仍舊捕緝 利不願違 明憲檄 反 使民 為尤甚故 再 四 間 因 申

生姦致盜地方為之不甯風俗為之日壞流殃傷化惟此為第

稱心疾首之事所當首請廣諭嚴禁犯者盡法痛懲而尤在重治

成風不論事之大小動輒控憲為拖累被告之計生平或有舊嫌 誘引窩賭之人以爲搜絕根株之計此實救與易俗之首務也 筆之幟不特恐喝鄉里嘶至挾制官長夫恐喝鄉里禍 小忿無不一網打盡上者可以致其顛連斃命次亦不失為家破 洗本為口角也而稱摘毆本為算錢糧也而誣賭博如此之類習 竊以爲反坐之令宜嚴也近俗告詞誣捏如本一 不大示懲創則囂薄之風日甚一日眞不知何所底止故某之愚 離故 刁誣之黨宜懲也靖俗素稱湻朴二十年以來刁橫健訟 猶可言也若挾制官長則其漸遂至七上下之分不可言也若 由 此 里的稱雄動相做效點徒機深手滑且將以此樹刀 關毆也而稱少 及一鄉而

律究擬外仍於原告名下以所告偽者之罪罪之務使眞偽兩得 若重教唆之黨夫詞訟之有教唆猶盜賊之有簡家盜賊無窩家 **偽者**一二又如 其平毫不假借庶使誣捏者知所懲戒或可漸冀衰息其次則莫 誣之者無罪而受誣者足以爲禍則造誣之人亦復何所畏忌 不聚緝窩即所以精盜詞訟非教唆不興究唆即所以止訟故愚 叉竊擬凡 **尺覆究勘直窮到底必得此事教唆之人嚴拿盡法痛治而後止** 此 恆 也竊擬凡遇審問妖單詞訟如十妖之中或係眞者七八 每見審出眞情止據事斷擬而其所誣捏者與不深究是 遇詞訟除審實者照常發落外具有研訊無據者務須 一狀之內或係眞者半而偽者亦半宜將眞者照

台川八昌南京大

某迁疎朴拙自養疴以來閉戶以安愚分素未嘗於縣廷妄有所 則教唆自少而誣捏之訟亦少矣此亦拔本塞源之一端也 干價兹特以仰挹光範不勝其愛戀之私故敢謬陳其區區之意

伏惟亮察

知常州 上中書啟

米

將母之求屢關於聽覽長民之寄終累於陶鎔勢則便安心焉震 其志卑者其獲少其能薄者其任輕白非審分以取容則必近刑 悸葢聞抱關擊析所以待士之為貧直鎛蒙鏐所以處人之有疾 使幾縣又以疾而告勞甚矣能薄而志卑宜乎任輕而獲少尙蒙 而速誇如某者煙淪素業邀會時恩備官收入旣以貧而擇利奉

之舊當兹凋察之餘自非上蒙寵靈少假歲月則牧羊弗息彼將 憂國之所存獨可勤民而上副顧今州部已遠朝廷田疇多荒守 以寬裕處心旁燭萬情而以平均待物遂合疎賤亦至叨逾示惟 優詔猥備方州 何望於少体畫土復墁此亦無逃於大譴更期元造終賜曲成 將數易教條之約束人無適從衛書之因緣吏有以肆惟是妄庸 知 常 州上監司啟 自惟缺然何以稱此兹蓋伏遇某官上同 德而

王安石

荷簡 疎於時間先子之緒餘慕古人之名節黽勉仕官聊盡爲貧之謀 歲時 亦預在庭之敷來佐郡收甫更二年數求州符就更畿

的小人自然受法と公一公一

之賤猥分千里之憂荷覆露之生成出雋賢之撫按竊惟幸會 自非函容少賜優假緩日月之效使教條之頒則何以上稱督臨 縣顧神明之罷耗當事役之浩穰慙非其宜辭得所欲未遂一身 使體愛養元元之意樂扶持斷斷之能庶幾始終得出花賴未期 用震驚惟此 寬凋察伏惟某官逢亭嘉之會舊將明之材簡在清夷久於順 **陋邦近更數守吏卒困將迎之密里閭苦聽斷之順** 良

湖 信美每虞製錦之傷田 園將蕪惟幸及瓜而代與兹闆境共

望履尤切馳情願順節宣以需褒龍

興宰通交代啟

涯

藻

此行旌某官拔萃諸儒逢源六籍凜端亮不囘之操粲深酯甚盛

之文擢殊第于早年 衮衮大庭之對試長材 于劇 邑洋洋藏路之

尚屈鷙州山色溪光可樂簿書之暇人情物態尤無獄訟之繁以 **袁遲尚尸素其間惟高明可笑談而辦正** 恐金馬玉堂之越召不

容銅章墨綬之人淹某空戀稻粱偶先糠粃碌碌非撥繁之手駸

新令尹之賢胸臆所藏晤言可盡顧肇更于歲籥宜茂擁于春祺

向謹節宣即新渙渥

鄒

浩

謝韓資政薦講讀科啟

四國之英一介顓蒙繆辱三人之數揆之清議祗

公司的人言文文学、一名一

科簡拔宜先

義之邦適近台邏數更歲律早覩龍門之高躅晚依熊軾之下風 就傳不升夫子之堂故鉤深雖冀于解頤而決謬詎臻于折角草 涉獵雖日 悟武成之去取重疑門五之是非有意繩愆無從究妙方賈山 聞于帝所某才非絕類學愧逢原卒嵗窮經第守先王之迹贏糧 智于累年頗發揮于多士惟時講讀實邁等夷大或供奉于西廂 恩於率土之中謂持盈守成雖已明於操術而設官分職尤當務 小亦表儀于東序顧兹顯選緊厥先容儻非德厭于人心孰稱名 于擇人用恢薦舉之科參究賢能之實著于甲令斷自近班旣 以愧心竊觀訪落之初欽奉思齊之訓集元老於嚴慮之上沛龐 同歸視井丹之紛綸終然異趣矧冒師儒之任楊來禮

於能行不爲名教之罪人兹乃異時之報德 之意載隆稽古之謀溫故知新肯徒託於空語舍生取義庶少見 生成萬物之初心而仁周一方風聲久動於幅員士類咸希於題 品肆是荒唐之賤獨何幸會之殊仰服至公俯盟丹悃茂對設科 週某官事君以仁好善忘勢以進退百官之餘力而區别羣類以 重輕宵這於權衡沙汰分同於瓦礫豈期海納猥賜衮褒此葢伏

三元マンス



常州 色裝文法